

687



Broj: 02-05-21955-27.3/16
Sarajevo, 30.06.2016. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo je na 47. sjednici održanoj **30.06.2016.** godine, donijela sljedeći

ZAKLJUČAK

1. Prihvata se Inicijativa zatupnika Sabahudina Delalića pokrenuta na 16. Radnoj sjednici Skupštine Kantona Sarajevo.
2. Zadužuju se sva resorna ministarstva Kantona Sarajevo koja imaju nadležnosti nad kantonalnim javnim preduzećima, ustanovama i fondovima da nalože nadzornim odborima i upravama hitnu izmjenu akta koji regulišu pitanje radnih odnosa u dijelu koji se odnosi na prijem uposlenika, tako da se prijem u radni odnos vrši isključivo putem javnog konkursa-oglasa, u cilju prijema najboljih kandidata.



Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Zatupnik u Skupštini Kantona Sarajevo Sabahudin Delalić
4. Premijer Kantona Sarajevo
5. Ministarstvo 12x
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



SABAHUDIN DELALIĆ
Zastupnik SDA
Skupština Kantona Sarajevo

15. radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeću

PONOVLJENU ZASTUPNIČKU INICIJATIVU VLADI KANTONA

Tražim da Vlada Kantona putem ministarstva koja imaju nadležnost nad kantonalnim javnim preduzećima, ustanovama i fondovima naloži nadzornim odborima i upravama da izmijene akte koji regulišu pitanje radnih odnosa u djelu koji se odnosi na prijem uposlenika, tako da se prijem u radni odnos vrši isključivo putem javnog konkursa-oglasa, u cilju prijema najboljih kandidata.

Obrazloženje:

Nepostojanje obaveze javnog konkursa je jedna od najčešćih i najvećih primjedbi građana, medija i organizacija na državu i vlast.
Ova Vlada je pokrenula nekoliko važnih procesa, a uvođenje javnog konkursa bi bila jedna od najznačajnijih mjera koja bi pokazala spremnost da se naše društvo popravi.

Na sličnu inicijativu od 29.12.2015. da Vlada zaduži ministarstva koja imaju nadležnost nad kantonalnim javnim preduzećima da uz saglasnost Vlade donesu Pravilnik za prijem zaposlenika u radni odnos, u cilju prijema najboljih kandidata putem javnog konkursa, pojedinačno su odgovorili samo Ministarstvo pravde i uprave i Ministarstvo privrede.

U odgovorima je navedeno da to pitanje spada u nadležnost Nadzornog odbora, odnosno Uprave, ali da predlažu da Vlada Kantona Sarajevo zauzme stav, te razmotri mogućnost da se naloži Nadzornom odboru i Upravi da izmijene akte koji regulišu pitanje radnih odnosa u djelu koji se odnosi na prijem uposlenika, uz navođenje da se prijem u radni odnos vrši isključivo putem javnog konkursa-oglasa.

Premijer Konaković je također 27.4.2016. na Skupštini potvrdio da većina direktora, a to se može odnositi upravo na javna preduzeća, ustanove i fondove, sami primaju koga hoće. Primjeri su brojni a neki koji su objavljeni u posljednje vrijeme pokazuju raširen nepotizam, a razumno je sumnjati i na korupciju.

Stoga očekujem od Vlade da se na ovaj sistemski način to izmijeni, te u tom smislu dostavljam ponovljenu zastupničku inicijativu.

Sarajevo, 01. 06. 2016 godine

SABAHUDIN DELALIĆ



Dopredsjedavajući
Skupštine Kantona Sarajevo